

近麓公墓志

近麓李公者湖广湘阴人也先世自江西吉水谷村徙居湘阴盖唐西平王裔也与余同举嘉靖癸丑进士公名御史也岁乙丑巡按四川余时为四川参政已又为按察使得以职事叅佐公下风几两年公初入四川境首察郡县吏之虐下贪婪者与纵左右为奸者旷官守者各弹案数人以一身为准凡无名靡费悉与减削百姓莫不权忻鼓舞曾逋寇黄中作乱东川湖广巡抚依违观望不欲加以兵公乃持大议必曾勦母令再荼毒我赤子为也黄中巢穴卒荡平白莲贼蔡伯贯起连破七城公时巡顺庆谓余曰君守顺庆我当驰守潼川此时但能分职任无令贼逸出剑外行当尽斃蜀中庶为上策耳公发财募勇贼果歼灭无遗龙州宣抚薛兆乾既擒公甄别统军监军功罪为请设府治安戢

胁从诸遗氓龙州悉定凡此皆公四川大功今巡按第曰我惟司纠察孰能以身肩地方事不他诿如公之果毅耶余掌宪访知剧盗抄掳叙州帑藏守巡官急捕富民程譔三十余人责償论死俱诬服奏覆下余白于公欲雪其冤公即亲为推鞠得冤状书反成案立出之公常劾龙州统兵指挥论戍属余再核无实不当戍请于公公莞尔曰百司庶职故当可否相成岂以巡按论定遂心知其非不敢出一言乎君实成我非与我左也即再疏释其罪今巡按在外虽藩臬大僚惟恐失一言笑巡按以自谓宜然如公但执事理之是非不以异同为喜愠盖近世不可一二睹见者公又尝劾按察之庸懦者又尝劾操江巡抚之不当隶本贯者及得代所举劾奖斥文武诸司若衡之较鑑之照无爽忒也出境之日行李但四筐篋呜呼此府一盼睐捐数十百金不惜公卓然涅而不滓与民断狱讼不为株蔓连引事至即托讯罢即遣人人颂其公

平为建城池资选河南道御史巡监两淮值岁大歉遍行赈救恤商人利病所济活不知几万人巡按福建监临乡试场屋中宿弊尽剔一时得人称最赐告归归而再起巡按四川寻擢河南兵备汝南副使又赐告归归六年间湖广都御史刘公汪公张公御史雷公舒公陈公交薦又再起陕西兵备河西副使公兵备汝南未一年兵备河南未数月云之日民皆哭泣相送于道傍虽未悉公之政可覘公之泽民深矣公去河西擢河南分守汝南叅政汝南民咸曰若非曾分巡我土我欲留不得而去而今復来者欢公至南阳诘兵戎训武胄修河堤塞矿洞溽暑则施乐饥谨则请迁江西按察使以原籍为词屡疏不允行次岳阳遂捐馆舍矣居家以礼义自闲有赋役不均者公为之平有争讼者为息争子弟有可教者为开导造就使有成立有以事求造谒者不与接立叱去时时申明太祖教民圣谕使人循冠婚丧祭礼仪敦古厚伦尚俭

崇朴作迂朴约说以挽世风置学校祭器增号舍置义田义塚修桥堤散穀周急施棺槨没之日宗族乡里莫不涕泣悲哀盖公学有原本不事功利词章故出则济时即修赐进士出身通议大夫礼部右侍郎掌国子监祭酒事经筵讲官前提督军务抚治陨阳等处都察院右副都御史清平孙应鳌撰

赐进士出身通议大夫巡抚云南兼建昌毕节赞理军务都察院右副都御史宜城王凝书丹

赐进士出身中宪大夫陕西等处提刑按察司副使提督学校前翰林院编修京山李维贞篆额